

見素集
三

見素集卷二

後學黃佐 校正

族子 富 編集

後學柯維騏重校

孫男 及祖重校

奏議

西巡稿

撫處王武等疏

題為修政本以弭大盜事節該欽奉

勅江西賊情重大茲特命爾前去巡視彼處地方爾至彼
廣詢博訪深究事情嚴督所司設法撫捕務令盡絕凡
有興利除害弭盜安民良法悉聽爾便宜處置欽此欽
遵行據江西布政司呈准分守南昌道右參政王綸
咨抄蒙巡視案驗即將王武等親自省諭本分農業
毋再懷疑執拘搆黨召禍第姪手下嚴加禁約不許
指以捕盜妄拏平人報復讐言怨誑擄財物姦騙婦女

燒燬房屋非對賊陣務在生擒不許斬首且王武等
名不在官性猶近野群居互長則禍讐易生私食盡
公則人情難久陽訶陰護默奪潛消必有可乘之機
善處之術會議通呈等因會同南昌道分巡僉事王
純親自省諭王武等本分耕種不許多集無賴生事
擾人招尤啓讐外議得王武已故房兄王再瑛始雖
為盜尋亦革心自首助官擒拏首惡致被連誅餘黨
讐殺七命後王武率先兵便効順竭勞前後斬獲一

有四十餘人今又聽撫求哀宜加善處合行瑞州府
知府周津通判甘文紹將王武弟姪手下一名名研
審真的年貌籍貫異省者資給衣糧查發附近者省
令農業生理但王武住居與吳城相近孤懸賊壘肆
衝賊路而吳城又當高安上高新昌奉新交界之處
令無吳城築立官堡高安輪撥機兵一百名同上高
新昌各縣捕盜主簿輪差一員住彼提督各給行糧
常川操守一季一換王武地方再立民哨止許招募

五十人王武為哨甲第姪王昌王宏并手下姚惟高
五人為哨手每手管九人一人為排九人同哨甲覺
舉違者連坐俱聽官堡鉗束無事幹家有警聽調朔
日赴該府望日赴該縣呈遞甘結聽候發放其工雇
之資每年哨甲六兩哨手四兩哨丁三兩將已決并
監故賊有鄧達八李昌三周申三等舊遺田產查勘
明白近者撥種遠者兌換名為哨田止納正糧之外
不編別差量其歲收以是前數倘有不敷或支官錢

增置或魚均徭津貼仍自高安直抵新昌每二十里
立一鋪舍編僉司兵修理路道使人移絡繹公私經
行府縣按月查點上司不時巡歷或寓宿官堡就近
行事擾習既久性度自馴易荒阻為通衢薰亮梗為
善俗聲迹相倚彼無內顧之憂動靜易聞我獲永終
之吉等因到臣隨據按察司呈同前事案照先據周
津甘文紹稟稱便手王武王昌并手下二十餘人出
官聽撫已經宣示恩威嚴加省諭及行道府犒賞議

處去後今呈前因臣看得王武年始二十一歲兵僅
數十餘人徒以粗勇為賊憚怯自知府劉璣撫恤之
厚周津甘文紹羈督之勤重以鎮巡震懾之威該道
守巡王綸王紘繼事同功勳服之至節嘗為官獲賊
思免罪尤祇陷宿讐浮詞挾訴心懷驚沮迹類桀驁
急緩兩圖均若可詗功過兼使宜若可為矧瑞賊乍
違乍順人無定心亦司府欲撫欲擒官無定信今王
武等既出就撫待之當誠久若重違取之亦易使隸

名于籍寄食于官非惟須其實用抑且杜其他謀議
為有見除照奉

欽依便宜處置事理案行各該衙門依擬施行外緣係撫
處兵便安戢地方并修政本以弭大盜事理謹具題

知

正事體以別嫌疑疏

奏為正事體以別嫌疑事

臣 迺蒙

聖恩改都察院右僉都御史巡撫江西者俟

命怖惶俯躬踴蹻竊念臣二親老邁有志衰頽供職兩年

乞歸五疏未蒙

俞允又有江西巡視之

差私心揣量此老馬末程也接喘交汗以盡報

顧復深恩尋脫車羈未為失計不謂僅踰兩月重荷

差除臣敢不知幸而報哉但念巡撫都御史韓邦問出

臣訪奏同

旨批代似涉嫌疑情義未安昔宋臣朱熹劾提刑唐仲友

尋奪其命授熹熹不拜也拯劾三司使宋祁尋解其
職授拯拯不辭為歐陽修所彈謂蹊田奪牛豈得無
過整冠納履當避可疑其於朝廷所損不細臣事迹
實類此臣敢不以熹為法拯為戒者哉且江西事劇
非他省比邦問才識非臣比邦問巡撫不稱更繁用
臣所謂一蟹不如一蟹者也臣往以更繁代張撫後
劾竟不及撫今又代邦問後劾豈及邦問臣豈敢竊
虛美邀實累哉伏望

聖明曲垂憐處另擇才賢巡撫江西停臣別叙惟復容臣
照舊巡視完日歸老度事體正辭受明無形迹之嫌
有肢骸之所不勝至幸緣係正事體以別嫌疑事理
謹具奏

聞奉

聖旨林俊不准辭著用心巡撫地方吏部知道欽此

災患疏

題為災患事據江西布政司呈南安府申大庾縣老人

甘文瑞等呈本縣城市鄉村軍民男婦自私治十六
年正月月中旬以來多感喉風腫毒急證辰病午死或
即時死或在市買賣入門即死一家三五口者有之
六七口者有之男女痘疹死者不可勝數家家遍染
前災上猶縣老人李清秀等呈自弘治十五年十二
月以來本縣坊廂龍下童子等里耕牛猪畜沾患時
氣俱已災死今年正月初旬市村團軍民多感風
痰咽喉急證朝病暮死全家遍染湯藥無人葬無庫

日悽愴驚惶呈乞急救等因脩申轉呈前來查得先據該府申前事已經行令發粟拯濟官脩藥餌多方醫治貧無棺木量為措置去後今呈前因臣看潯江西司衛府縣庫乏存積銀兩倉少預脩稻穀俸糧歲欠八萬四千餘石物料歲欠三萬千餘兩瑞州之強盜稍息南康之飢民又起左按右遏東出西沒今南康災青盛行老稚卒中或一家俱病或數口俱死下至牛畜俱各被災是皆及身之切禍非垂象之隱

然雖令乘時發粟施藥給棺終為無財所窘况南安
人與韶州惠州汀州郴州等處相連萬一流賊乘虛
為患非細臣技窮當局憂切涉冰除再行守巡兵備
等官嚴加提脩及督屬辦藥措棺處置牛具賑卹修
省外緣係災患事理謹具題

知

查報擒獲盜賊為各官開俸疏

題為地方賊情事據江西布政司呈准奉司分守南昌

道右參政王綸資自弘治十五年正月起到弘治十六年三月十二日止督據南昌道所屬瑞州等府捕盜通判等官甘文紹等陸續獲過各起強盜并窩主賊屬共六百四十四名口瑞州府獲過強盜四百八十三名窩主五名賊屬一口南昌府獲過強盜一百五十名窩主一名賊屬四口并原帶管湖西道所屬吉安臨江袁州等府共獲過強盜一百零四名等因到臣行間又據江西按察司呈准本司分巡南昌道

僉事王純開同前事查為地方緊急賊情事該鎮巡等衙門會案脩奉

勅內事理查各衙所府縣掌印巡捕及三司守巡等官戴罪拏賊未盡絕不許支俸又為修政本以弭大盜事臣案行守巡等官督屬將未獲賊犯設法拏務令盡絕去後今據前因臣看詳江西各府盜賊瑞州為多自奉

勅切責之後鎮巡官牌催案督寢不敢寧守巡官王綸王